

南

廂

志

南雍志卷第二

事紀二

成祖文皇帝

癸未

樂元年春正月丁亥監生陳俊等

違限禮部

奏言洪武間有充吏及除典吏二例

上命仍充吏役其未及一月者行文原籍照勘戊戌

吏部奏請增撥歷事監生文選司十名考功司

五名從之二月庚戌初設北京國子監壬子擢

監生孔復楊鈍張文明李時秀蔣彥祿歐彥貴

何器劉先爲監察御史己巳都察院奏定監生

犯公罪依律紀錄私罪當答者罰歷刑一年考

勤謹者准歷事監生出身平常者再歷一年復  
考當杖者斷發充吏准吏員資格出身丁丑吏  
部奏言天下教官訓導闕二千餘員欲取通經  
監生三百名送翰林院考試選用從之三月丁  
酉賜雲南生張文禮等二十八人夏末夏四月  
戊申勅諭中外文武羣臣心懷危疑不安於職  
者凡二萬道令監生馬宗誠等齋之賜道里費  
丙辰擢監生余得祥爲給事中張政原汪俊民  
趙能爲監察御史丁巳監生王閭省親還霸州  
違限禮部以聞

上宥之因令凡北京避兵違限者皆不問戊辰擢監生梁觀潘熙和爲給事中五月乙未以

太祖高皇帝實錄成賜騰寫監生梁逢吉等各銀十兩鈔三十錠六月丁巳以上

高皇帝尊諡禮成賜羣臣宴國子監官皆與辛酉進實錄賜宴于奉天門惟司業張智與焉丙寅陞纂修官吏部郎中徐旭爲祭酒助教王達爲翰林院編修博士金玉鉉爲翰林院五經博士教授張顯爲學正訓導傳貴清羅師程爲學錄知縣趙季通例應陞而以疾乞教職乃授博士擢

膳寫監生鍾子勤陳彝訓劉謙沈文爲中書舍人梁逢吉葉蕃沈紹先葉松喬岳衛浩鄭中余從善陳俊良陳實爲監察御史秋七月丙子朔吏部言國子監正佐官考滿舊例四品以上本部不考五品以下未有定議命准五品以上之例戊寅以監生汪必先鍾震劉觀郭林金英張翥陳英楊泰劉寔王文爲監察御史秋七月丁酉吏部奏言洪武三十一年閏五月十八日以後洪武三十五年六月十七日以前生員有考試不中發充吏役者例當復學肄業從之行本

監於見役吏典內取勘八月癸酉吏部引選

內府辦事監生王韶等除授通判等職既畢晚朝  
上御右順門吏部官言曰韶等辦事半年卽選五府  
六部都察院等衙門歷事三閱月考奏勤謹者  
仍令竢闕取用有逾六閱月者矣僉書文卷分  
理庶務干係較重而選用反遲非所以勸士也  
上曰繼自今辦事內府者一年乃許就選著爲令九  
月戊寅監生林思以病乞歸待愈復監禮部以  
聞從之遂著爲令冬十月乙巳監生劉觀文以

殘疾奉

詔放歸爲民辛未擢監生張恂爲給事中甲戌禮部奏言監生尹莘李恂等違限各照例充吏會寬等一十六人例當復監仍行照勘從之十一月辛丑擢監生陳聰爲給事中癸卯日南至上御奉天殿受朝賀大宴羣臣祭酒徐旭與焉司業張智以下官及監生人賜節鈔二錠十二月庚辰擢監生郭宜畢進華禎王生沈旻張麟熊觀薛魯爲給事中壬辰禮部遣監生三十餘人分詣各布政司府州縣令官員軍民之家有收藏高皇帝御製詩文及宸翰皆送官別錄本予之仍重

資之

甲申末樂二年春正月丁未復遣監生劉源等三十

三人分行郡縣訪求

高皇帝御製詩文二月乙未命工部修補國子監經

籍版

條例作元年九月初三日

禮部會試舉人中式者監生

楊相爲第一相卽洪武中奏請入太學者也三

月乙卯會試不終場舉人三十五名入監卒業

禮部奏言中有懷挾文字扶出者四名照例殿

一舉羅從善由監生入試當復監餘三名發還

原籍從之辛酉立進士題名碑于國子監壬戌



擢監生李矩周正秦瓚魏清文振許信關和呂  
衡楊祥楊儼任重王理陸必壽王良爲監察御  
史戊辰冊封甌寧王允熾以奉

懿文皇太子之祀取監生二十名頒詔各王府以  
及天下皆給鈔錠爲道里費夏四月簡東宮僚  
屬壬申以博士徐善述爲左春坊左司直郎助  
教晁鑄爲右春坊右司直郎博士楊斌爲右春  
坊右清紀郎庚辰擢監生湯銘游顏爲給事中  
甲午賜國子監雲南生張文禮等二十八人夏  
衣五月辛丑朔禮科言祭酒徐旭坐書奏不謹

當降調旣調雲南布政司叅議

上問吏部尚書蹇義曰旭爲人何如對曰有文學持  
守而於人寡合

上曰持守之人固當寡合蓋其中有所主而不能脂  
韋依阿況兼有文學乎宜寘之近侍遂命爲翰  
林修撰後爲會試同考官卒于試院時丙戌二  
月乙亥也旭饒州樂平人洪武乙丑進士授試  
御史嘗陳時政六事改安王府紀善累遷考功  
郎中權衡人物無敢干以私者爲人簡默方正  
清慎不阿始終一志云乙卯擢監生朱政黃理

柴震爲給事中丙寅擢監生陶瑋陳貞裴川爲給事中六月己丑吏部尚書兼詹事府詹事蹇義等言諸司歷事監生例應三月後授官近因少闕有一年未授者而內府辦事監生止是謄寫奏本查理文冊稽算數目別無政務廼者內官監奏准半歲授官而歷事監生有政務者及遲今後宜令所司內府辦事監生月日滿日定例給賞仍令回監進學依次歷事出身

上從之甲午

上命禮部臣曰會試下第舉人旣多其中必尚有可

取者蓋慮一時匆猝或本有學問而爲文之際  
記憶偶差遂致謬誤而考閱之官神情昏倦失  
於詳審以致黜落此皆可矜其令翰林院出題  
更試擇文詞優等者以聞遂得貢士張鉉等六  
十八

上召見皆賜冠帶命入監進學以俟後科且勉之曰  
士當立志志一則功專功專則業就爾等於學  
已有根本但更百尺竿頭進步爾後科第一甲  
人有不在爾曹乎其徃勉之壬辰頒古今列女  
傳書版于國子監秋七月壬戌饒州鄱陽縣民

朱季支進書謗毀聖賢禮部翰林院及本監官  
奏請寘于法

上曰愚民若不治之將邪說有誤後學卽遣行人押  
還鄉里會布政司按察司及府州縣杖之一百  
檢搜所著文字悉毀之仍不許稱儒教學九月  
丁卯陞左春坊左諭德兼翰林院侍讀胡儼爲  
祭酒胡儼監中夜宿詩秋風灑竹枝涼氣入練衣鶴背月中冷螢光雨後微紫垣當講席  
王漏卮形閨良夜清如許思親苦夢歸冬十一月甲寅禮部奏言  
歲貢生員坐懷挾克吏者送翰林院再考中式  
送監讀書從之已而再考不中仍發克吏丁巳

翰林院進所纂錄韻書賜名文獻大成

上以其未備遂命重修以祭酒胡儼兼翰林院侍講  
及學士王景等爲總裁開館於文淵閣禮部簡  
能書監生繕寫辛酉令北京國子監會膳照本  
監定例行甲子琉球國中山王從子三五良璽  
等九人以謝恩至京師奏請入監讀書從之給  
賜及其從人一如洪武中故事仍令工部建王  
子書房于監前以居之十二月庚辰四川天全  
六番招討使高敬讓來朝遣其子虎入監受學  
賜虎鈔衣衾等物丙申禮部言監生太少請自

明年始依洪武二十五年例天下府學歲貢二人州學二歲三人縣學一歲一人從之

乙酉末樂三年春正月丙申祭酒胡儼請申明洪武中所定學規從之

上諭儼曰此其條約耳爲師範者當務正己以先之

講學漸摩以養其心淑其身此爲切要汝宜勉

之二月乙未祭酒胡儼獻河清賦儼撰賦并序傳曰河水清

天下平又曰天降嘉應河水先清是知河清者聖人之大瑞景運之休徵也乃末樂二年冬十

有二月禹門渡黃河水清亘數百里明年正月

上日高平王暨平陽王俱拜表恭賀二月丙戌秦王復以表聞中外臣庶莫不鼓舞以爲聖人在位萬世太平之應也臣儼叨居

太學獲綴班行聞茲盛美不容有默謹述其事  
而獻賦曰永樂二載歲在涪灘涂月之吉河水  
清連亘澄波於千里表休徵於九天寔  
聖明之御宇協興運於萬年若乃天一儲精地  
六胚渾源涵星宿脉貫崑崙上通析木之次下  
盤積石之根逶迤噴薄注于龍門南東百折九  
道同奔其流混混澎湃無垠繇墜其性五行汨  
陳堯以大聖閔懷襄於方割禹以至神費䟽鑿  
於憂勤既會同而歸海肆玄圭之告成府孔修  
而事和垂末賴於休聲繫周道之中微穀洛闕  
而爭鳴嘍嬴秦之橫伐涇渭凝而爲潁爰歷炎  
漢乃潰金堤滔滔東郡禹跡用迷載決瓠子沈  
璧重淵中流悼功興歌惘然想當斯時萬夫奮  
鏹之不暇亦何望翠浣之與清瀾下迨魏晉及  
夫梁隋陰沴洋溢無世無之惟武德與貞觀獲  
蒲秦之嘉應亦暨爾以誇奇豈明時之可茲昔  
高皇之謨聖已弘澄而見祥暨曆圖而受曆復  
瑩澈兮湯湯我皇濬哲度越百王繼志述  
事宜茲重光物熙熙兮如春福穰穰兮用彰  
嘉禾生而被野瑞麥秀而連岡金盤蘭於芳樹



白象貢於遐方騶虞徵乎天苑神龜發乎坤藏  
泰階明兮海宇寧協氣應兮寒暑平至治格兮  
昭德馨馬負圖兮龜書呈儼高平與平陽騰封  
章于玉京曰禹門之津渡黃流潔其清泠湛長  
空兮一色耿素練兮同明日暇漱兮冰泮波翻  
翻兮風生仰飛鳥兮可鑑俯游鱗兮不驚青山  
倒影寫千尋之翠黛朗月流輝浮萬頃之金精  
直可泛靈槎於牛渚挾飛橋於蓬瀛鏡湖詎能  
同其體澄江未足擬其名馮夷出兮擊鼓川后  
會兮揚旌咸感弄珠之神女訝采旄之洛靈走河  
濱之耄倪舉喁喁而敷誠惟千載兮一度乃景  
命兮所膺帝謙抑而未遑推厥美於  
祖考天休聿平滋至篤恭臨乎大寶誕詒謀兮  
燕翼煥文明兮黼藻愚生慶兮何幸際太平之  
熙暉敬此筆而爲夏五月乙巳琉球國山南王  
辭願以繼乎天保  
汪應祖遣寨官子李傑赴監受學賜夏衣一襲  
秋八月己巳

上諭禮部臣曰學校育才以資任用

太祖高皇帝內設國子監外設府州縣學選用師範  
教育俊秀嚴立教法豐廩蠲徭期待甚至建文  
以來學校廢弛所司又不督勵虛糜廩祿爾禮  
部宜申明舊規俾師教無闕士學有成庶幾國  
家得賢材之用遂頒學規榜例于國子監及府  
州縣一如洪武舊制凡監生生員免其家兩丁  
差徭九月甲辰修國子監祭器戊申

上以

太祖高皇帝御製嘉禾詩裝潢成軸賜祭酒司業胡儼

御書贊有年未樂三年九月十二日  
奉天門頌賜群臣  
臣等拜賜感激不勝慶幸竊惟日星炳耀雲漢  
昭回天之文也山川流峙草木敷榮地之文也  
仰觀俯察經緯彌綸間物成務垂憲萬世聖人  
之文也欽惟太祖聖神文武欽明啓運俊  
德成功統天大孝高皇帝以神武定天下以文  
德致太平在位垂四十年禮樂教化巍然煥然  
二五流行休徵時序嘉禾之生豈偶然哉惟天  
發祥以昭靈貺以應豐年以表至治也萬幾清  
暇保合太和詠之詩章載之宸翰奎壁之文光  
華宇宙皇上繼承大統繼志述事著存不  
忘乎手澤朝夕如見乎羹牆乃詔臣工錄之  
金石傳示萬方未無極臣等叨承寵遇忝  
列儒流衣被光顯謹拜手稽首而述贊曰魏巍  
太祖道隆德尊戡亂以武經邦以文聲教旁達  
禮明樂備五氣順應諸福畢至爰有嘉禾實堅  
寶好天惟發祥地不愛寶同穎之異六蕝之數  
豐年之應萬邦是綏郊坻駿奔薦之明廷於皇  
太祖百度惟貞黃道天開端拱穆清載之歌詠

玉振金聲匪惟誅歌謠爲宸翰麗乎日星昭乎  
河漢蔚乎舞鳳宛乎游龍淑乎慶雲飄乎祥風  
天子仁孝著存不忘敬恭手澤如見美備乃詔  
臣工乃勒貞石珠光玉潤霞舒霧釋錦題象軸  
頒之羣臣英華穠郁萬象皆春拜賜冬十月乙  
丑賜琉球四川雲南生李傑等并其從人六十  
三人衣衾十二月乙酉都察院奏言徒流罪不  
至充軍發國子監充膳夫從之

丙戌未樂四年春正月

皇太子監國龍州土官知州薛繼賢奏言州學生  
胡義等選貢至禮部乞照四川永寧宣撫司歲  
貢生員楊惠事例免其考試

皇太子從之令入監讀書二月壬戌朔擢監生彭  
進徐鑑方霖林道顧斌寶承芳朱福王輔彭鑑  
劉煥黃員相爲監察御史乙丑給奉天征討官  
員誥命兵部奏以書辦不敷欲取撥能書監生  
相兼書寫從之三月辛卯朔

上視太學先是勅禮部曰朕惟孔子帝王之師帝王  
爲生民之主孔子立生民之道三綱五常之理  
治天下之大經大法皆孔氏明之以教萬世朕  
皇考太祖高皇帝膺君師億兆之任正中夏文明之  
統復衣冠禮樂之舊渡江之初首建學校親祀

孔子御筵講書守帝王之心法繼聖賢之道學  
集其大成以臻至治朕承鴻業惟成憲是遵今  
當躬詣太學釋奠先師以稱崇儒重道之意其  
合行禮儀禮部詳議以聞禮部尚書鄭賜言宋  
制謁孔子服靴袍再拜

上曰見先師禮不可簡必服皮弁行四拜禮於是進

視學儀注卽洪武中所定也

見禮儀考是日

上親行釋菜禮命吏部尚書蹇義戶部尚書夏原吉  
翰林院學士解縉祭酒胡儼分獻十哲兩廡畢  
上御彝倫堂命坐講祭酒胡儼講尚書堯典司業張

智講易泰卦大臣及翰林院詞臣皆賜坐

上諭之曰六經聖人之道彌綸天地昭揭日月垂憲

萬世率由彝訓與卿等皆勉之遂命光祿寺賜

百官茶壬辰早祭酒胡儼等上表

永樂四年三月初一日欽

蒙駕幸太學謹奉表稱謝者臣儼等誠懼  
誠忤稽首頓首上言伏以昭德用中立百王之  
大法崇儒重道闢千載之宏規綸音渙發平九  
重士氣聿增於六館權均朝野慶洽天人恭惟  
皇帝陛下濬哲溫恭剛健中正仁義同於堯舜  
智勇邁於禹湯闕里詩書仰先師之如在寢區  
聲教啓後學於無窮爰遵太祖之舊章肇  
稱昭代之殷禮鑒與幸於璧水縉紳園於橋門  
惟君惟師以教以食水冠之美藻豆之序秩秩  
乎有容鼓鐘之音絃誦之聲洋洋乎盈耳自唐  
虞三代以來未有盛於今日者也臣儼等忝職  
成均叨承寵遇敷言是訓永修日月之光華造

士登崇願效涓塵之補報無任瞻天仰  
聖激切屏營之至謹奉表稱謝以聞  
及箋稱  
謝輔九重禮樂之儀儒術光華士林忻忭敬惟  
皇太子殿下緝熙聖學參決政機侍膳問安恭  
待龍樓之曉論經講道宏開鶴禁之春常鑒輿  
躬幸於辟雍正邦本恪勤於翼戴文風丕振膚  
德益隆舍菜禮成觀明時之大典園橋雲集藹  
首善之榮觀臣儼等忝列儒流親逢盛事立諸  
生於館下盛陳雅頌之章貢多士於朝端永樂  
雍熙之治無任瞻仰激切  
屏營之至謹奉箋以聞  
賜祭酒以下宴于奉  
天門監生宴于升輝仍賜儼及司業張智紵絲  
羅衣人二襲學官王峻用等三十五人紵絲衣  
人一襲監生朱璿等三千七十四人鈔各五錠  
時禮部會試舉人中式者璿第一故璿爲諸生



班首云壬辰命工部修

太祖高皇帝詔書碑亭禮部奏請立視學之碑

上親製其文焉

見規制考大學士胡廣視學詩有序

臣博詢治道從容燕暇召二三儒臣于前而論

之曰使天下人人崇尚儒術其道何由咸頓首

惶懼不敢言明日又問訖無敢以對上曰

必使天下人人崇尚儒術其機在上於是咸稽

首曰誠如人人陛下所言至是求賢之詔屢下

凡巖穴幽潛之士占一技能者卽禮聘至闕下

親承顧問命之以職而優待之故四海之內罔

有遺才焉明年策多士于廷簡其尤者二十八

人俾究極羣書期其至于古人一切政事不以

干之恒祿之外復有他賜鼓舞作興之道至矣

天下之士聞風而敬慕者皆奮躍於下有菁莪

棫櫟之盛乃永樂四年二月朔勅羣臣曰朕將

臨國學躬禮孔子以稱尊崇之典所司其差吉

日行之於是有所司差以三月朔日辛卯是日昧

夷上備法駕謁廟行舍菜禮禮畢駕幸

太學授經祭酒臣儼司業臣智賜之坐講文武

三品以上及翰林儒臣皆賜坐聽諸衣冠之士

及四夷之人圍太學而觀者以億萬計視東京

永平無足言矣明日臣儼臣智率六堂儒士上

表謝錫賚有差太宴羣臣于奉天門莫不

忻踴躍以爲自古帝王崇尚儒術未有若此之

盛臣仰見太祖高皇帝告成武功大典文

教臨幸太學親講經書與諸儒難疑荅問終日

弗倦今伏遇皇上尊信儒術躬率舊典有

光前烈揆諸古昔誠無與比故盛治之風薄極

海宇凡四方僻遠非一譯所能通者遣一介之

士持咫尺之書以諭之莫不奔走順服頓頽闕

度夫豈威力所能強是皆文教躬行之效也臣

惟孔子之道與天地相爲終始其在於人心者

昭晰不泯當聖人在上天下文明則其道

大行皇上全聖智之德居至尊之位恢弘

治教表章孔子之道如日麗天中四海之民皆

仰見之俾知所趨向皇上作興人心推明

世教誠有以度越千古非近代帝王所能及也

臣廣猥以菲才幸依日月之光獲覩文明之盛  
職在紀載不敢以默謹述爲古詩一章以獻以  
播盛美於無窮焉詩曰維古聖神繼天立極爰  
修教化以彰明德曰堯舜禹所傳一心無間顯  
微爰有古今學校之政教化先務三綱以正九  
疇攸叙周綱解紆正路日堙不有至聖孰宣人  
文大哉孔子道高德厚出類拔萃生民未有祖  
述憲章乃欲無言賢於堯舜事功則然教化無  
窮如天垂象六經昭晰萬世尊仰至治之要一  
本於茲生民永賴帝王寔師於堯舜定文教首  
天明命道作天地卓冠前聖武功爰定文教首  
崇表彰絕學大闢休風載新庠序甄陶士類親  
臨璧雍以嚴祀事躬御講筵觀者如雲本冠萬  
國集于橋門倚歟盛哉亘古莫比爲憲萬世式  
承無已  
皇帝繼承舊章是遵緝熙聖學弗  
懈益勤季春初吉躬視廟學舍奠先師秉虔有  
恪袞服大圭星弁煌煌穆穆清廟濟濟釋將載  
臨講席列侍羣儒紬繹問難六經羣書聖道顯  
明  
皇心以喜章甫逢掖踰舞士子園瞻萬  
億華夏蠻貊左社雕題亦皆夷懌治有先後教

有本源仁義之訓爾父彌敦於昭聖皇遜  
駿有赫洪化維神無思不服同業吳溥駕幸太  
學詩九重傳詔幸成均王氣浮空淑景新  
寶曆萬年開至治文風千古復真淳  
來當寧肇建基圖啓後人日表文章明衮緒雲  
間聲樂合韶鈞西周在編寧須數東漢臨雍豈  
足倫龍錫自天春浩蕩穹碑揮地碧嶙峋來游  
壁水登髦士紀載詞垣屬史臣仰祝聖明  
千萬壽普天率皇仁癸巳琉球國中山王武寧遣送  
土戴

寨官子石達魯等六人入監受學各賜鈔三十  
錠羅衣一襲并夏衣等物丙午立進士題名碑  
于國子監

上慮禮部下第舉人中有遺才復親試之得文學優  
等二十一人各賜冠帶簡周翰藍勗李弼擢居

禁近王樂孟等十八人入監肄業以竣後科給  
教諭俸月支米二石有周健者不與其數乃啓  
言年幼欲入監進學

皇太子令健與樂孟等同肄業月支米一石惟不  
許冠帶四月壬戌施州衛學選貢生員向得豪  
等入監讀書禮部奏言施州衛學乃邊夷土民  
給賜夏衣當如雲南監生事例從之乙丑溫州  
瑞安縣學訓導黃潮光九年考滿給由考不通  
經例當復職不當陞吏部以聞時

皇太子監國御文華門吏部啓言潮光有子養正

年纔十一能作大字今在此

皇太子見之喜遂陞潮光爲國子監學正勿爲例  
且令養正入監讀書寫字給與廩饌以俟成材  
用之養正後以善書直秘閣累官至太常寺卿  
五月癸丑工部奏請立

駕幸太學碑亭於大成殿前丹墀之西與

太祖高皇帝詔書相對從之秋七月庚寅司業張智

卒

詳見本傳

戊申擢監生宋仲祥爲監察御史己酉

陞博士趙季通爲司業閏七月乙亥擢監生周  
轅徐奇艾良爲監察御史八月甲辰賜國子監

琉球國雲南生石達魯等并從人紬絹綿布冬衣二百二十事冬十月丁酉擢監生張弼蔡誠彭昭尹醇鍾恕爲給事中丙辰禮部言北京國子監生省親照南監事例令行部定限

皇太子從之十一月庚午祭酒兼翰林院侍講胡

儼獻孝感醴泉甘露頌

頌并序欽惟

皇上

化純和民安物阜世用大康端居穆清孝思罔極重念

皇考太祖高皇帝誕膺

天命

統一寰區昭德建中萬世永賴

皇妣孝慈

高皇后協贊萬幾同勅開創奉神靈之統理萬物之宜共弘大業垂裕後昆緬惟

升遐曷勝

追慕乃勅禮官徵召天下道流卽朝天宮陳金

錄晉度大齋科自末樂四年十一月庚申訖丙

寅凡七晝夜舉明禋之典篤追遠之誠下逮臣

庶祖考一視同仁禮神之儀則祝之文玉帛簋  
籍之登薦鼓鍾法樂之導宣罔不備具將事之  
晨鸞鶴翔于太虛度幽之夕甘露降于階庭越  
明日鑾輅撫臨群臣駿奔天光昭回卿雲五  
采和氣冲懌懌磬磬寰宇華蓋浮空靈神贊呼復  
有群鶴踰蹕蹕東來徘徊殿壇之上萬目仰瞻莫  
不歆嘆殊祥嘉慶奚可殫述暨于竣事二月戊  
辰實太祖高皇帝景命之日乃有醴泉出  
神樂觀清光浮于玉甕芳氣達于靈宮頒賜百  
僚味勝醇酎黃童白叟奔走後先又三日甘露  
降于孝陵布滿枌栢在廷諸臣復拜寵賜  
吮芳味華不勝忻忭茲蓋祖考致禮百神嘉惠幽爽  
之至動天地格而膏露降地不愛寶而醴泉出誠  
故天不愛道而高露降地不愛寶而醴泉出誠  
所謂體信達順千載一遇之盛事而謙抑不居  
愈加警畏此尤堯舜禹湯之盛德同乎一轍邈  
巍蕩蕩莫可得而名焉臣等恭逢嘉會不容有  
默謹拜手稽首而獻頌曰聖皇御宇萬國  
咸寧中心無爲端拱穆清洪惟祖宗積功  
累仁至于太祖天命維新布昭聖武靈承



于旅建中立極作民父母禍亂既平禮樂率興  
俊德成功民無能名思齊母后天性孝慈  
母儀天下萬物是宜於皇考妣克享天心  
肇基鴻業萬世其承肆我聖皇繼序不忘  
顧謨宗廟有見美臚霧滂雲蒸陟降帝側  
求言孝思昊天罔極迺春琳宮式嚴祀典親舉  
玉趾介珪衮冕爰資薦揚金錄玉章幽沉普濟  
丹陵赫張上帝時歆百神是臨鑒觀昭格  
惟皇之心天光發舒卿雲麗空青鸞回翔白鶴  
來同蹕蹕白鶴嘖嘖青鸞韶濩均諧上下雲端  
明禋卽事靈神三呼華蓋繽紛覆蔭皇都粵若  
景命實維戊辰醴泉宵涌神觀之津圓靈委和  
柔祇毓精匪翹匪藻湛然天成甘如醴酬榮若  
琉璃芳氣旁達品物咸蒸流謙潤下汲之無竭  
增齡滌痾臣民胥悅金門賜飲玉池生肥蕩除  
瑕穢頓失百非我義孝陵復彼鍾山層巒  
翠聳重同龍蟠精神替手佳氣鬱葱天乳夜樛  
甘露攸降其潔如脂其類如飴鴻布恩私流珠  
淋漓載頌群臣瑞雪初霽日華玉光懽騰大地  
惟皇仁孝充塞八紘致此蕃禧太平之徵

皇曰上天暨予考妣神無不在如水行地

儲祥錫祉式見于今天休滋至稟乎予心昔在

唐虞表千祇德中元貞觀亦以時出并丘寶甕

仙掌金莖淳漓虛兆沆瀣空登曠百千載盛千

明時聖德廣運光昭二儀華夏蠻貊罔不

率俾五氣順應物無疵癘普天率土沐浴膏澤

熙然泰臺陶然壽域湛恩汪濊

玄液旁流聖子神孫萬歲千秋

丁亥末樂五年春三月癸酉命禮部選監生胡敬蔣

禮等三十八人隸翰林院習譯書人月給米一

石遇開科今就試仍譯所作文字合格准出身

置館於長安右門之外處之以四夷字學分爲

四齋令都指揮李賢以錦衣衛軍守門務令成

業夏四月戊子賜祭酒以下師生三千一百七

十人夏布六千四百七十八匹乙未罷遣監生  
盤量屯糧命吏部增置按察司官專任己酉賜  
琉球雲南生石達魯等并其從人夏衣五月庚  
戌監生曹盈等奏言原籍山西願改入北京國  
子監從之六月癸未朔安南平祭酒兼翰林院  
侍講胡儼獻平安南頌尋召儼復入翰林院供  
史職命戶科都給事中胡濬代署監事胡儼平  
安南頌  
并序臣儼拜手稽首上言伏惟  
大統德化旁敷際天盤地日月之所照臨莫不  
尊親惟是安南黎季犛父子悖傲兇頑賊殺其  
主毒痛其民僭稱大號固聖欺天貪饕之心無  
厭窺伺之志不已皇上屢降明詔以開諭  
之彼乃怙終不悛惡積罪盈神人共怒於是不

得已而飾銜輿情乃命大將郿國公龍新城侯  
輔率師徂征克剪大憝南交以寧仁風所被瘴  
萬肅清平部落為郡縣復古制於千載發政施  
仁規圖宏遠巍巍成功曠古所無臣儼忝教國  
子職在儒流誠宜歌詠盛德被之金石告於神  
明垂諸後世云其辭曰天錫 皇帝聖神武  
文克繼皇圖克若我人華夏蠻貊一視同仁溥  
海內外罔有不臣蠢爾南交僻居海徼鳥言獸  
羣依山阻嶠昔在日燿率先慕義 高皇寵  
嘉俾長其地比有孽臣逞其奸驕肆戕其主珍  
及裔苗兇焰熾延民燬物焦鳴張狐鳴鼠黠狼  
跳忽為孫狙儵若夢魘罔敗舊竊潰亂紀納  
連聚醜侵暴邊鄙 皇帝至仁憫其昏器嗟  
遠士女詎忍摧麟明詔屢錫開誨諄諄豈謂冥  
頑怙終弗悛要殺主孫賊我使臣事既上聞在  
列威怒肅行天誅匪曰黷武 皇帝曰夷乃  
敢余拒乃告神祇乃命召虎建牙秉鉞爰帥師  
旅元戎啓行旂旌央央舳舻震震彼彼富良富  
良震驚若崩厥角前徒倒戈後伍傾撲挾策長  
驅無有齟齬東郡西都汎掃如砥脅從罔究鯨

鑑是取出其金炭撫其勞煦惟其十女玄黃厥  
誰有酒在壺有食在簞來迎我師遠邇洽懽黃  
童白叟惟髻弁裳倨僕提攜輟陳其詳惟此南  
土交趾故軻由漢及唐郡邑相望中間茅藥遂  
為湖夷綱常教化淪焉孰知幸披障霧獲覩青  
天幸去戴盆獲仰日鮮陳氏族姓靡有子遺差  
我赤子戀戀何依願與更新復還古制脫略醜  
穢漸磨德義去我離題變我黠齒伴我子孫飲  
於世世南文既平發政施仁荒畝辟壤感煩以  
伸時昔陳氏抱恨沈冥茲焉滌爽雖死猶生冢  
設酒掃祀薦薤膾既賒且謐足慰九泉時昔交  
人如蹈湯火茲焉嬉游呼舞婀娜山無瘴烟海  
無顛颺野無催操林無猩拂戴有螺笠執有鸛  
羽器有珠貝食有緝鮒民習禮文士遵矩度父  
父子子夫夫婦婦凡此更化莫匪陶鑄薄天率  
土歸於淳風茫茫幅員遇于禹跡巍巍成功光  
于古昔小臣作詩江漢是秋九月甲寅陞監丞  
匹金石昭宣永永無極

王峻用為光祿寺丞擢監生李琳為山東道監

察御史冬十一月乙丑進重修文獻大成書更  
賜名曰永樂大典祭酒兼翰林院侍講胡儼以  
總裁有鈔幣之賜戊寅南陽府郟縣生員高盟  
等言初以楷書選入文淵閣修永樂大典今書  
成願就學入監從之是年初令監生往龍山廠  
清查營造木植謂之辦事凡在廠二年卽得銓  
用

戊子永樂六年春二月監生坐堂三年者時費等三  
十八人當省親馮克諧等一十二人當祭祖禮  
部移文查審署祭酒事胡濙令六堂官覈之濙

尋奉命巡遊天下訪求異人三月庚申擢監生  
回謙張冀爲監察御史夏四月辛巳琉球官生  
李傑在監將及三年因其兄銘進貢至京師奏  
歸省親禮部以聞從之丙戌文淵閣書寫監生  
宮瓚等一百五十六人

皇太子令於翰林院月支米五斗辛丑賜琉球國  
及雲南四川官民生石達魯等六十八人夏  
丙午擢監生孫儼王增朱應祖孫嵩爲監察御  
史五月丁亥翰林院庶吉士沈升奏言各省鄉  
試名數太多稍能行文皆冒名貢士及至會試

下第得升之國監以致士子競懷僥倖不務實學宜勅各布政司按察司凡遇鄉試務在精選毋多濫舉

上是其言令所司施行秋七月癸亥改司業趙季通

爲北京國子監司業

胡儼送趙季通調北京國子司業序師道之不振久矣至元爲甚余聞諸鄉先生云虞文靖公嘗言初元之建學也自許文正公是時風俗簡畧人材樸茂文正因時立教一時士類多所造就許公歿而學政寢弛師道日廢及吳文正公來爲監官慨然思有以作新其人而又以浮議鼓扇公遂不憚而去他日有賊里爲司業者諸生群然舉張子過此幾非在我之言爲問戲里出倉卒未能卽對連日幾非諸生遂以此語榜其座繼而魯公于輦與虞公來掌教事始教之日諸生有寫東坡洗兒詩十行舍壁問詩中有愚魯



二字意蓋合請二公也其驕蹇傲誕類如此可  
勝道哉我太祖高皇帝以天縱之聖膺君  
師之任深知其弊故於建學立師凡若此者一  
切禁戒而痛絕之本道德以爲之訓通典禮以  
爲之法嚴教條以示之約束品節防範周至詳  
密俾過不及者一歸于中正故爲師者得以振  
其紀綱爲弟子者得以安其禮分數十年間名  
卿材大夫彬彬輩出而人材治效之盛邁于前  
代遠矣皇上聰明睿智治定功成首幸太  
學御筵講經文武就列環橋門觀聽者以萬  
計聿新乎文教光昭乎鴻業繼志述事又有以  
超軼前代者也天台趙季通先生于時爲博士  
嘗被恩榮矣今以司業調北京曾監掌其監  
事登圖書于舟遂祖餞于道六館師生送之江  
之許有揖而言者曰司業往矣公可無言乎余  
曰趙先生之德之才聖天子之簡注衆之  
所共知何待言耶雖然余父嘗聞昔安定胡先  
生掌太學以法度檢束士初其徒少能安之久  
乃化服數百年間上君子論能振立師道者安  
定之功也故君子所爲不求近效當要其成要

其成古有其道古之道亦曰嚴師爲難師嚴然  
後道尊先生持此以往鑒前代之所失體

皇上帝之至意遵

太祖之成憲與其君子日

從事于詩書禮樂講明乎堯舜禹湯文武周公

孔子之道振起乎斯文以淑諸人而行諸世庶

上不負

君命下有以慰士子之心先生往矣

余日八月乙未以博士孫貞署監事辛丑習達

達等字監生劉勉等二十七人戶部奏請如胡

敬等例支給從之九月壬戌陞翰林院修撰吳

溥爲司業時祭酒胡儼在翰林溥自是多總監

事癸亥擢監生党忠爲吏科給事中朱載堉宣

爲戶科給事中胡渙王成美爲禮科給事中周

鎬蕭鼎李頻爲兵科給事中劉誠任憲爲刑科

給事中劉泉胡進張用中白末年爲工科給事

中癸酉學錄王讓奏請省親從之

祭酒胡儼送行詩曉拜封

章謁告還趨裝隨見理征鞍故園月落烏啼冷  
驛路霜清馬足寒杯斝紫霞開綺席衣裁紅錦  
舞雕闌明年遠奉潘輿冬十一月己酉詹事府  
至多士橋門擁篲看

通事舍人高昊啓言先年啓准照六科辦事例

選能書監生邵暹等二人在科辦事六閱月已

滿引奏給賞已復監矣今久缺人書寫宜照前

例

皇太子從之十二月命修書生員陳謨等入監讀

書

己未樂七年春二月庚辰擢監生署六科給事中  
汪藻吏科李節戶科劉伯蘊禮科金文英兵科  
萬質刑科史壽工科壬午

上巡狩北京車駕發京師命

皇太子監國留守擇吏部歷事監生四十人譯寫  
四夷文字監生十三人以從戊戌

皇太子擢監生劉子輔張觀鄭璘劉保陳耘張睿  
王璫張善爲監察御史己亥禮部啓會試天下  
舉人得中式者陳璉等九十五人

皇太子命送國子監進學竣

車駕還日廷試

璫等有橋門聽雨詩

三月辛酉

皇太子擢監生王渥爲監察御史夏四月辛巳禮部啓會試副榜舉人以孔諤爲首

皇太子顧問知爲聖人後卽命諤冠帶入監讀書使司業顓敎之月與食米二石且謂曰學當先於立志爾宜立志向上毋以忝聖人爲也下第舉人鄭阜義等援周健事例啓請入監從之閏四月琉球官生石達魯在監三年例當省親欲同王舅仁悅慈歸國禮部以事屬外夷馳驛以聞

上從之六月壬寅朔行在禮部奏言北京國子監開設七年矣監生唐謙等情願出仕吏部試之皆未通經宜罪司業趙季通

上曰姑宥之行文申明天下凡弟子員再試不知文理者併罪其師發煙瘴地面安置辛亥

皇太子擢監生朱侃劉洵潘沾陳禮李本爲監察御史秋七月戊子召祭酒兼翰林院侍講胡儼赴行在庚寅吏部啓以孔諤當授教官

皇太子召諤入見文華殿擢爲左春坊左中允九月辛酉福建道監察御史李旭坐累謫役國子

監至是有言其廉幹者特宥旭罪復其官冬十一月己卯賜琉球四川雲南官民生李傑等及其從人冬衣靴襪時傑自其國省親復監云  
庚寅未樂八年春正月丙戌監生汪藻等署六科  
皇太子命實授給事中乙未

皇太子擢監生許堪蹇賢周珙金文斌駱大良許琪賈旭劉可范寧鄭季輝蕭良張意汪泳劉政爲監察御史二月癸卯命祭酒兼翰林院侍講儼侍

皇太孫監國入文華殿講經得直內閣

胡儼內閣  
即事詩清

曉朝回祕閣中坐看宮樹露華濃綠窓朱戶圖  
書滿人在蓬萊第一峯御溝風細水生波喜得  
春來暖漸多堦下絕無塵迹到橋邊只有內臣  
過承乏詞林愧不才重承恩詔直芸臺筵前  
視草煩封檢帶得天香兩袖回朝來吹面柳風  
涼宮瓦微微覺有霜金鑰啓來紅日上瑣窓瑤  
席迴生光垂柳青青秀色齊蓬萊天近綵雲低  
日長閣裏文書靜時聽花間翠鳥啼浩蕩東風  
雨散絲絲暗移春色上花枝雲陰  
半捲龍樓晚正是詞臣退直時癸亥

皇太子擢監生郭良周順爲給事中夏四月丁未  
禮部啓言琉球國四川雲南官民生李傑等及  
其從人例賜夏衣惟琉球官生模都古等自其  
國省親復監挈帶妻子女伴六人未有給賜  
皇太子命工部亟製給之仍悉賜巾衣靴絛衾褥



枕簟戊午

皇太子擢監生沈和傅璇吳正陳鐸楊彝周岐後  
爲給事中孫昇爲監察御史六月戊戌

皇太子擢監生聶璫高英爲給事中辛酉擢監生  
陳諤周汝賢爲給事中秋七月丁卯吏部啓言  
歷事監生有三次考俱平常者欲於未入流首  
領官叙用

皇太子從之八月癸卯賜琉球四川雲南生楊麟  
等九十二人衣服衾褥巾條靴襪冬十一月甲戌  
車駕至自北京司業吳溥率諸生奉迎祭酒兼翰

林院侍講胡儼扈從還任獻平胡頌胡儼平胡

聖皇有盛大之德必成盛大之功是以光昭宇宙福被生民慶流後世無有已也近者胡寇不

庭肆為敗罔拘虐信使賊害邊氓恩不知懷兇

驕日甚於是天啓聖謨六師親御百靈效

職神應具臻天雨瑞雪地出甘泉萬乘遙臨先

機獨運乾開坤闔雷厲風飛乃敗胡寇本雅失

里於滅胡山如摧枯拉朽虜僅以身遁尋復追

敗其殘寇于靜虜鎮虜又奔竄狼狽盡獲其人

畜輜重遂使百年遺孽一旦剗平撫其人天出

其塗炭妖氛既滅沙漠以寧豐功盛烈充滿天

地乃封于山川勒之金石巍巍煌煌照耀耀今古

是皆斷自宸秉克符天意載之雅頌萬世詠

歌不戢大駕凱還皇風溥暢華夏蠻貊罔不欣躍

皇明受命奄有萬方王帛會朝山梯海航昔在

太祖肇修人紀復我衣冠逐胡萬里禮樂典章

秩然振舉神化昭達物無違拒維被民物阜

皇聖明天錫勇智繼承鴻基聲教弘被民物阜

康諸福畢至東極朝鮮西越崑崙  
不發奔惟此殘胡而有遺孽遁窮荒  
竊毒我邊氓虐我信使罔聖欺天會無敬忌聚  
彼腥膻見其魑魅鑒與視駕天計用張龍驤  
虎旅萬乘啓行旌旗照耀金鼓鏗鏜山川震駭  
雲霞低昂百神後先靈昭神謀獨運廟算先機  
湧列士無渴饑馬不奔駟神駒士氣橫飛蠢茲  
醜虜敢抗天威萬衆一麾虜師旋旆安驅有秩  
如拉朽枝幹難旣捷爰命師旅旋旆安驅有秩  
有序復有窮胡竄身迷途偷生請命皇憐其愚  
許其自新前條垢污孰謂狡心終不可除皇赫  
斯怒以訖天誅震霆之下何有揜救覆巢之餘  
何有宣轂胡塵頻掃沙漠廓清陰山瀚海遠揚  
天聲輜重馬牛獲以萬億旃裘部落仰戴安輯  
出其塗炭永懷聖德封表山嶽煥平文章  
雲漢昭宣萬世流光鑒回紫塞喜溢天京祥風  
載道和鑒銷鴻千官萬姓舞蹈拜迎雍雍濟濟  
進趨闕庭恩覃四海慶敷癸未  
八絃小臣作詩永歌太平

上賜琉球等處官民生李傑等并其從人冬衣靴襪  
旣而從容與群臣語及之禮部尚書呂震曰昔  
唐太宗興學校新羅百濟皆遣子入學當時僅  
聞給以廩膳未若今日賚予周備也

陛下聖德前古未有

上曰遠方慕中國禮義故遣子入學必足於衣食然  
後樂學

太祖高皇帝命資給之著於令典所謂曲成萬物而  
不遺者朕安得違之十二月庚寅

上命諸司違舊制者許令改正本監言歷事監生不

拘年歲與洪武中取年長者不同禮部以聞

上命照今制行

辛卯永樂九年春二月癸巳琉球國中山王思紹遣王相之子懷得寨官子祖魯古入監受學三月甲戌舉人監生鍾英張習張式馬信邵聰以入翰林習譯書至是登進士第改庶吉士仍隸翰林遂爲例夏四月癸丑監生胡彝奏言籍本山西願改入北監從之戊午擢監生陳模李復鄭進善張添祿爲監察御史五月乙丑端午節命大臣入內苑觀擊毬射柳祭酒胡儼應制賦詩

聖皇垂衣四海清三辰昭宣寒暑平民安物阜  
諸福至謳歌遠邇揚天聲律應絃賓當令節  
萬騎龍驤親簡閱鑒馭纓臨寶扇開綵旒新綴  
紅旌列錦鞢驄馬玉連錢結隊分朋過御筵疏  
珠飛鞚貴神速得巧驪呼意氣先垂揚插地青  
簇簇文繡宮花映離龍翻身滿引明月弓共看  
剪白飛金鏃法樂聲清日正中上林綠樹含薰  
風苑中錫宴千官集榮光佳氣明蔥蔥愛日堯  
天臻至治雍熙熙不忘修武備普天  
率土荷甄陶聖子神孫千萬世丁丑擢監生

王杲商賢胡寧爲監察御史已丑擢監生劉廣  
爲監察御史六月甲辰旌表監生張翼孝行翼  
濟南府泰安州人父母歿皆蔬食廬墓三年有  
慈烏數百旦暮飛鳴墓樹人以為孝感云乙巳  
擢監生胡良誠于敏林勝宗白璧宋友謙爲監

南唐志卷二  
察御史秋七月甲子典簿廳呈言本監見在併  
辦事監生五千六十二人每二十五人以膳夫  
一名供應該用二百二名廚爨制饌種菜養牲  
該用六十名今恩宥徒夫爲民種田以致膳夫  
少八十二名禮部奏擬行應天府量撥廚役或  
倉脚夫暫往應用仍行法司審有囚徒當充膳  
夫者陸續代之

上從其請八月乙卯監生靖宣等言由山西大同等  
府學生歲貢入監今願赴北監讀書從之仍賜  
道里費令便道歸省戊午監生孫惟一自言親

弟極刑難以在監出仕冬十月

皇太子命放爲民癸卯修書監生袁盛等言離家  
三年之上乞歸省親祭祖禮部以其名雖入監  
實在內府修書未嘗坐堂肄業難從其請

皇太子以修書入監事體無異遂許之十一月癸  
未修書生員杜春等告入監讀書

皇太子從之十二月庚寅習西番字監生厲思溫  
援例還家祭祖通政使司官引於

文華殿啓有先年監生馮卞亦習西番字例不許  
省親



皇太子遂不從其請閏十二月壬午禮部言朝觀  
官員建言民情數多欲取能書監生二十人事  
竣復監

皇太子從之

壬辰永樂十年春二月庚午會試末場冠帶舉人張  
彥昞與同鄉余彝答策互相傳代爲軍人劉源  
緝獲監試御史送禮部以違禁請逮治之

皇太子令翰林院於內府考試尋啓所作文字平  
常

皇太子曰是可宥也仍令復監讀書以俟後科三

月乙酉朔副榜舉人余獻王受奏乞入監辭免  
教職不許仍以其規避罪之丁亥會試舉人吳  
汝昌以疾不能終場例當入監奏乞教職不允  
仍送監卒業壬辰以天將暑令監生史彬等七  
十四人同進士荆政芳等分撥十三道問刑慮  
囚月支米一石三閱月考覈如例事故不補戊  
申擢監生程玖爲中書舍人隸翰林院書  
制勅夏四月癸亥丁憂守制監生夏宗奏許縣吏  
時貴違法害民

皇太子命都察院委御史同按察司官究治仍令

宗復監待罪丁卯監生蒲儼周懋以殘疾照例  
放爲民庚辰擢監生張勤龍景亨趙文施悅濮  
恭任旺祝和陳恕郭端賈節趙益廖睿周毅李  
善楊俊張斌爲監察御史辛巳賜祭酒兼翰林  
院侍講胡儼等及冠帶舉人官民生四千二百  
三十人闢白苧布八千五百四十疋五月戊子  
駕帖取舉人監生梁弘等一百二十人習譯夷字  
弘獨告免禮部以聞

上怒編伍交趾已亥禮部奏言馬湖府學士夷生呂  
士華歲貢三試乃能中式

皇太子令入監讀書壬寅通政使司左叅議李翥言清理貼黃監生一百名數多請留二十五名餘令復監

皇太子從之秋七月丙戌監生應辰自洪武十年終養至是起復文卷不存而有官吏保結禮部以聞

皇太子令辰復監八月辛酉陞助教貝泰爲北京國子監司業丙寅監生饒觀戶充里長別無人丁授張振事例以請

皇太子從之癸酉命學錄王讓侍皇太孫說書

上曰朕聞讓孝於其親故擢用之尋陞北京國子監助教九月甲午雲南澂江四川永寧等民生蘇興等奏請還鄉挈家

皇太子命定限遣之己亥擢監生吳文吳克聰爲監察御史壬寅選監生張盤等五人隨侍

皇太孫月給食米一石冬十月甲子擢監生顧立鄒烜李弘蕭原祝昇爲監察御史己巳監生拓昱告改北監枉道還家守制以其違限令北京行部逮治之甲戌翰林院習字監生柯暹奏請省親歸池州

皇太子從之定限半月十一月癸丑朔祭酒兼翰

林院侍講胡儼獻瑞應甘露頌胡儼瑞應甘露頌并序欽惟

皇上統承天位德化弘被華夏蠻貊同不率俾陰陽以和風雨以時五穀既登人民蕃育而瑞

應駟至乃末樂十年冬十月十一日命皇太孫演武于方山甘露降于松栢十六日太駕復幸武

狩于陽山甘露大降二十五日太駕復幸武岡山甘露又降珠玑玉潤其甘如飴頌賜從臣

咸需異味莫不鼓舞贊嘆以爲萬世太平之徵是由皇上德合天地敬恭祖考恩施溥博至仁充周之所致也於是文武百僚頌頻首稱

賀且儼忝列班行恭逢盛世觀茲上瑞不勝忻忭謹拜手稽首而獻頌曰於穆聖皇克配天地恩覃八紘仁育萬類民俗熙淳禮明樂備光被四表煥乎文章戎夷蠻貊山梯海航無有遠邁莫不來享治定功成頌聲攸作萬寶既登時和歲樂爰稽古典乃舉大闕遂以狩田三驅是式萬騎雲屯百靈後先龍旂悠揚虎旅騰軒旭

日鮮麗祥風散烟嘉嘉崇岡謫謫佳樹膏露如  
 節凝甘積素珠琲玲瓏密房布濩肪綴瓊枝光  
 益金盤寵頌侍臣玉潤冰清復舉其掌百僚登  
 嘉大庖以盈惠澤孔多咸曰聖明德至太清柔  
 祇山川亦莫不寧敬恭祖考宗廟肅承養  
 老育賢惠愛黎民陰陽以和諸福畢臻既有仁  
 國其名曰麟出于盛世以表休徵又有嘉禾甫  
 田屢登同本異穎郁郁英英天休滋至復降甘  
 露惟皇德馨百福斯聚發祥流乙酉擢監  
 慶詒謀垂裕聖子神孫欽于萬世  
 生苗貫謝庸熊傑童貞吳銘張達雷恭解昌党  
 衢周尚賓為監察御史十二月癸丑擢監生梁  
 通為河南按察使劉智為副使是年祭酒胡儼  
 供事行在翰林院司業吳溥復朝于行在監丞  
 梁里許署監事

癸巳

永樂十一年春正月巳亥擢監生劉迪爲四川  
按察使張岳趙彬爲副使章錄李清爲僉事二  
月辛亥擢監生李華盧榮趙真趙旭卜禎楊益  
馮得爲給事中黃文惠王維新韓真李遜申獄  
張肅封貴朱哲爲監察御史壬子琉球國中山  
王恩紹遣使送寨官之子鄔同志乂周魯每恰  
那晟其三人入監受學給賜如例辛酉擢監生  
錢博葉蓁姚秩金勉焦莊陳謨洪益中倪琮劉  
維新王賓爲中書舍人甲子令取撥監生必循  
資次毋得坐名選取著爲令三月辛丑修書典



吏劉令春初由饒州府學生爲因戶役具告優免問發充吏以楷書入內府書寫啓願入監讀書補過

皇太子令送監三年考試不中則重罰之至是翰林院考試中式

皇太子喜其有志令送監卒業夏五月庚寅琉球官生模都古等三人奏乞歸省

上謂禮部臣曰遠人來學誠美事思親而歸亦人情宜厚賜以榮之遂賜綵幣表裏襲衣及鈔爲道里費仍命兵部給驛傳丙午賜琉球雲南四川

官民生懷得等六十人夏末六月丁未朔騶虞

見祭酒兼翰林院侍講胡儼作詩以獻胡儼詩

序永樂十一年夏五月騶虞見于山東之曹縣

六月丁未朔臣下以進白質黑章性仁而馴致

之載籍實為瑞獸是由皇上盛德之所致

乃太平之嘉應也故不可無紀述謹拜手稽首

而獻詩曰聖皇端拱居明堂梯航王帛來

萬方仁恩義澤被寰宇運化熙綽躋虞唐干特

山東產靈獸玉燭儲精天降祥雪花英英瑩毛

質玄雲冉冉疑天章不履生為性仁厚虎豹遁

跡蛟龍藏十巖萬壑生光彩山靈岳祇奉翔翔

奇花異卉紛照耀靈風滿山甘露澤衆之羅網

不可致虞人走告誇非常近之不驚亦不懼儀

穆穆分行踰踰薦以雕龍藉芳褥榮光叶氣隨

飛揚倪首斑斑獻金闕龍旂寶扇森開張百僚

拜舞慶嘉瑞銷金鳴玉趨鵷行昔者鈞州已來

貢重見寶由聖德昌小臣忻躍載歌頌願

播簡韶儀鳳凰司業吳濟詩曠代空聞義獸名

盛時方觀頁神京千年瑞應從天降五色文章炫日明香霧晝眠靈囿暖落花春踏玉階晴  
西周仁厚今猶昔秋八月乙未琉球官生李傑  
願把周詩日載廢因其父仲進貢至京有疾欲送仲至福州還監  
卒業禮部引啓遣人材田畯喜護傑送至福州  
仲既登舟歸國傑遂復監冬十月甲子擢監生  
王貞蘇弼楊和李謙張志葛紹祖王憲許侃岳  
順梁盛張毅朱昭紀文崔貞李濬王勵劉伸許  
能屈良張貫朱威陸得厚張縉邵寔張守信苗  
友直李應庚張翔馬駿爲六科給事中甲戌都  
察院啓言天寒慮囚請如例取撥監生七十四

人分道問刑仍照歷事考覈

皇太子從之十二月丁巳賜琉球雲南四川官民生懷得等四十六人冬衣韉轡壬戌擢監生牛麟田綱爲給事中

甲午永樂十二年春二月令冠帶舉人監生林超等習百夷字月支教諭俸米二石家屬月支米一石歲貢監生石慶等習回回字月支米一石家屬月支米六斗夏五月乙亥琉球雲南四川官民生懷得等七十四人當給夏衣皇太子令照例六月

皇太子擢監生孔克準爲工部主事以其爲先師  
孔子後故也尋進太常寺丞秋七月壬申朔雲  
南民生趙與之等三十五人啓言超撥歷事禮  
部以其違

制請發刑部都察院治罪

皇太子命與之克阜隸於本監應役楊順等三十

四人皆宥罪復監

是年八月辛丑朔車駕北征沙漠還北京凡擢用監生此

後不書

乙未永樂十三年春正月壬辰博士孫貞九載考滿  
陞從七品俸夏四月庚寅趙與之妻段氏啓言

邊境土人去家日久食用已盡乞宥其罪

皇太子命與之復監讀書五月辛酉賜琉球雲南  
生益智每等九十二人夏衣秋七月癸亥監生  
賈政等奏言親老子幼戶無別丁乞歸侍養待  
子出幼之日復監

上怒曰待汝子出幼而後復監則年老無用矣朝廷  
何賴焉發保安衛編伍仍行查有放回復監者  
雖已出仕一例罪之九月己酉編類五經四書  
性理大全書成命吏部考第繕寫監生高下悉  
官之冬十月祭酒兼翰林院侍講胡儼獻麒麟

賦儼賦并序臣聞麒麟仁獸也  
賦則至欽惟皇上帝以至仁之德聖人在位  
體信達順致治雍熙是以嘉生疊應諸福畢臻  
未樂十二年秋九月勝葛剌國以麒麟來獻今  
年秋九月麻林國又獻麒麟夫麒麟四靈之首  
百獸之先乃國之上瑞曠千百載不一見今不  
踰年而再見此誠皇上至仁之所感召為  
萬世聖子神孫仁厚之嘉徵也臣幸際雍  
熙重瞻靈異不勝忻忭謹拜手稽首而獻賦曰  
惟重瞻靈異不勝忻忭謹拜手稽首而獻賦曰  
甄陶撫四海于寧一德無遠而弗屆心一視而  
同仁民雍雍以和樂物熙熙而皆春既體信以  
達順固諸福之畢臻四夷悅而賓服乃輦琛而  
貢珍爰有神獸至仁所鍾以和召和重譯來通  
膺身兮牛尾馬蹄兮碧趾草茸茸兮州踐角振  
振兮不抵音諸鐘以請律行應規而入矩不羣  
居而旅遊必擇土而後處山靈為之翔衛獻祇  
為之效祥海波為之不興颺風為之不揚賜虞  
參兮後先我鯨鯢遁兮樵藏聆和鳴兮離離曰遊  
聖兮歸昌辭絕域之遐遠來靈囿而翱翔天高

高兮氣澄風穆穆兮露瀼日朗朗兮清暢雲郁郁兮流光登金門兮步玉輝炳文彩兮光陸離王佩綰兮變龍趨蕭韶奏兮鳳同儀茲玄栢之儲精定皇仁之所致協關雎之嘉應表明時之上瑞皇謙抑而不居惟哉稔與時康家豐裕而人足賢彬彬手廟廟豈風淳而俗厚乃國家之祚祥昔軒后之無爲寧西園兮宿止歷成周與炎漢亦來遊而享祖廟千載而一逢今兩見其靈異昭華夏之文明舞康衢之耄稚三光全兮泰階平皇道昌兮聲教被仰聖子兮神孫傳仁厚於萬世

丙申末樂十四年夏四月甲子頒賜大字千文法帖

于國子監雲南民生張紹祖啓請學習

皇太子許之五月乙丑賜琉球雲南生散皆益父等百一十九人夏衣冬十月丙申祭酒兼翰林



院侍講胡儼往署翰林院事甲辰左春坊左諭  
德兼翰林院侍講楊士奇代之儼遂還任

丁酉末樂十五年春三月丁酉

皇太孫大婚禮成賜祭酒兼翰林院侍講胡儼等

官吏舉人官民生三千五百九十三人宴鈔共

七千一百八十二錠辛亥頒賜五經四書性理

大全于國子監天下學校每處與夏四月庚申

祭酒兼翰林院侍講胡儼朝于行在以北京新

宮初成受羣臣朝故也儼於直廬之西結草屋

二間以候朝焉儼名其居曰槐陰草堂作詩曰  
草堂新築近金門絕似幽棲

市喧苑樹籠雲香霧散庭槐過雨綠陰屯牀頭  
尚有書千卷堂上長留酒一尊懶性從來安吏  
縣何須遠  
十滑南村

戊戌  
永樂十六年春正月丙寅元宵節賜祭酒兼翰

林院侍講胡儼觀燈宴于內苑胡儼元夕侍宴詩九重春色自

天來駕擁祥雲寶扇開鳳闕星河連禁苑鰲山  
錦繡映蓬萊碧霄仙樂雍雍奏綺席爐香冉冉  
迴幸遇太平多樂事  
年年錫宴侍瑤臺  
夏五月庚戌朔重修

太祖高皇帝實錄成進呈辛亥賜總裁官祭酒兼翰

林院侍講胡儼鈔百六十錠綵幣二表裏紗衣  
一襲膳寫監生人各鈔六十錠絹二疋冬十一

月癸酉

上以永康侯徐安建平伯高福安鄉伯張安年少未  
諳禮度命入監讀書

紀永樂十七年春二月戊戌以潮州府學教授張

子儀爲博士子儀臨江之新淦人明春秋舉進

士經學最精且能古文詞安福劉球素所遜服

學者多仰之國學明經術者前有石光霽後有

子儀皆爲時所宗云

大學士金幼孜贈行詩新除博士留都去一驛過

發薊城久別未忘鄉里意相逢不盡故人情夕陽紅樹孤帆影野水寒雲落鴈聲

不忝深期作育贊皇明三月丁巳頒賜

御製爲善陰騭書于國子監秋七月丁未祭酒兼

翰林院侍講胡儼還自行在

庚子末樂十八年夏六月辛丑頒賜

御製孝順事實書于國子監秋九月丙戌行在禮  
部奏言南京各衙門所用印信當增南京二字  
遣人收其舊者改鑄予之用新印自十九年正  
月初一日爲始凡有行移庶有分辨

制曰可於是本監以印信封識委官送于行在乙  
未北京宮殿成

皇太子將朝

上手行在禮部會文武百官入見于

文華殿東廡命條陳合行事宜以聞退而上之言  
本監歲報生員文冊常如舊例送禮科交收從  
之仍令移文行在禮部奏請冬十一月壬午改  
北京國子監爲國子監頒新鑄印信于本監  
辛丑永樂十九年春二月乙未南京太常寺贊禮郎

杜忠還自京師將

上命春祭先師遣國子監正官行禮丁酉祭酒兼翰  
林院侍講胡儼遂釋奠祝以

皇帝謹遣爲文著于令三月以長洲縣學教諭周岐  
鳳爲博士岐鳳初爲國子學正時漢王高煦失

德改漢府紀善以輔導之作箴規諷爲高輿所  
構害下詔獄降敎諭秩滿陞博士既至

皇太子召見于文華殿褒諭之夏四月庚子奉天  
革蓋謹身三殿災令羣臣直言得失禮部尚書  
呂震等奏言監生有單丁親老告侍親者照例  
准令侍養親終服闋起用其已經編伍者悉宜  
宥免從之六月甲寅禮部言國子監生歲益增  
又會試下第舉人例送監今學舍隘不能容請  
以監生南人者送南京國子監下第舉人發還  
原學進業以待後科從之

上寅永樂二十年冬十二月壬辰琉球官生周魯每

周第在監三年例當省親歸國禮部以聞

上從之令候其國使臣還日始行

癸卯永樂二十一年夏四月甲寅四川雲南官民生

駱進等六十一人例當給賜夏衣其琉球官生

周魯每等尚猶未行宜一體給賜自後遞年冬

夏衣服皆南京禮部行文南京工部成造依時

給賜不待奏請著爲令馳奏以聞

上從之

甲辰永樂二十二年秋七月丁巳

昭皇帝卽位冬十月壬寅朔將冊立

皇太子以助教王讓爲右春坊右贊善尋陞左庶子及推恩舊學遂超拜吏部右侍郎十一月壬申朔

上諭禮部臣曰太學聚天下之士教之以備任用蓋因其已成而益克之今郡縣歲貢生率記誦陳言以圖僥倖求其實學百無二三爾禮部宜勅有司督學官嚴訓誨必通經成才方得克貢蓋學者先立根本於鄉學然後進而克廣於太學若在鄉學全未成而望成於國學焉有此理十



二月壬子令司業以下已經一考者給與勅命  
隆調改除者亦如之

仁宗昭皇帝乙洪熙元年春正月壬午賜祭酒兼翰林院侍講胡儼誥命曰大司成總國學以教育天下之賢才爲國家致治之器而翰林講讀之官推先王之道誦說於天子左右以輔德而益治兼是二職非老成宿學達經濟之務者曷克以稱爾國子監祭酒兼翰林院侍講胡儼發身經術屢歷外職

先皇帝擢之論思密勿之地又簡諭朕德於春宮遂

掌成均仍侍經席其論議有本末治官有勞績  
光昭我

皇祖神功聖德于簡冊者爾定任之今特進爾階勲  
爲朝議大夫資治少尹職如舊朕方勵志興學  
以成俊造庶教化復先聖王之舊爾旣總厥事  
其往懋乃績汝惟欽哉惟朕圖任舊人汝益殫  
厥心以光予命汝惟勗哉丁亥典簿廳移文工  
部修整水磨二月戊午陞國子監祭酒兼翰林  
院侍講胡儼爲太子賓客仍兼祭酒命致事賜  
勅諭曰卿以文事我

太宗皇帝首居翰林繼陞諭德輔朕春宮未幾陞掌

監學

先皇帝之寵儒者與儒者之遇

聖明皆至盛矣而卿居太學不數歲而復召入翰林  
職史事效勞滋多朕嗣位以來篤念舊人而卿  
以疾不見者數年昨因命卿侍

皇太子講讀乃聞卿疾日增弗任厥勞朕用憫然  
特進卿爲太子賓客仍兼祭酒致其事還鄉已  
勅戶部免卿子孫雜汎差役令侍卿終身卿其  
端志坦懷以率鄉里優游桑梓以樂餘年用副

朕始終禮待之意欽哉

學士王直送行詩兩御榮遇位賓師投老還家

鬚比絲天上玉堂春夢香江南畫舫暮行遲  
蕪香動春風暖楊柳枝長宿雨滋歸到秋屏高閣望西山依舊碧參差

丙申改禮部左侍郎胡濙為太子

賓客兼南京國子監祭酒先是

上為太子監國時有飛語上聞

文皇帝屬濙往察之濙至以所見七事皆誠敬孝謹

密疏以聞

文皇帝覽之大悅自是不復疑矣及

上嗣位特賜誥命已而聞有密疏疑之乃轉官南京

未幾聞章奏見所上密疏乃深嘉其忠焉戊戌

上決意復都南京仍以北京爲行在復頒國子監舊  
印而以南京國子監印送印綬監貯之四月庚  
戌祭酒胡濙修飭籩豆大新鐘鼓簋簠簠排觀講  
堂六月庚戌

章皇帝卽位秋七月己亥行在刑部尚書金純等建  
言刑法因言監生有犯公罪紀錄其私罪當笞  
者罰贖歷刑一年依例考用從其議更令詳審  
之勿爲深刻閏七月丁巳命纂修

仁宗昭皇帝實錄本監委助教李山觀悉依

文皇帝實錄凡例行移編類送赴史館八月丙戌教

官訓導多闕員選舉經學精通堪爲師範監生  
王煥等二百八十八人送行在翰林院考選冬  
十月甲午定國子監并南直隸解額八十名初  
鄭府審理正俞廷輔建言方今科目取士不得  
真才惟恃記誦實爲濫舉於是始定額數丁酉  
南京五府六部等衙門以事務簡少裁減歷事  
監生五十人送監卒業禮部以聞從之是年祭  
酒胡濙復禮部左侍郎兼職如故遂朝于行在  
入見

上顧問良久卽留任行在禮部事尋進尚書濙字源

潔常州武進人革除庚辰進士卽拜兵科給事中受知

文皇帝陞戶科都給事中累遷卿貳至少傅兼太子太師爲人平易寬和廉靜寡慾自奉澹薄起居有常居官以敬愼歷事六朝旣致仕久之乃卒年八十有九

宣宗章皇帝

兩午

宣德元年春二月壬午大理寺裁減

歷事監生九人送監卒業三月癸丑巡撫蘇松等處大理卿胡槩奏應天府上元江寧二縣者民言今國子監闕膳夫取役二縣之民差役頻

繁兼有趣辦力不能堪請如洪武中事例以應  
天常鎮蘇松等府縣罪囚應笞杖徒流者克役  
爲便

上曰役有罪以蘇民力亦何不可命行在刑部斟酌  
以聞於是尚書金純等奏請令南京刑部都察  
院諸衙門除偷盜鬪毆傷人及威逼人致死犯  
姦依律科斷外其民犯徒流罪者發克膳夫滿  
日更替從之三月戊午行在翰林院考就教職  
監生不中式者唐真等一百五十四人例當克  
吏內有蕭友麒等四十五人乃取撥歷事人數



禮部以聞

上命歷事者仍復歷事餘皆復監讀書再考不中乃  
克吏役夏五月辛丑監生秦和等四十七人以  
裁減復監會取撥有崔勝者遠年省親復監得  
往歷事而和等不與友麒等亦復歷事而和等  
復不與和乃獨詣行在以不平奏聞久之行在  
禮部乃以其事議上乃令查崔勝等應否復監  
歷事仍發和還監肄業許本監官自懲治之秋  
七月辛亥召四川按察使陳璉至改南京通政  
使專掌國子監事璉儒者持憲非其所長是以

吏部請改用之

上憶璉在永樂初嘗獻歌頌有文名且發身教官宜  
在國學既命之顧尚書蹇義等曰命官稱其才  
則不勞而職易舉向所用非所長矣今其庶幾  
乎然爲天下賢士師表尤不易也九月甲午國  
子監司業吳溥卒詳見本傳冬十月丙子掌監事通  
政使陳璉以丁憂去職博士孫貞署監事十二  
月乙亥行在禮部奏兩京國子監生多給假還  
鄉經歷年久託故不來請遣人提問

上曰古云才難諸生未及仕先負罪名卽爲終身之

凡屬六十二  
四十二  
玷宜量地方遠近定與限期如再於限外不來  
皆發克吏於是禮部定限自移文到日爲始交  
趾雲南貴州十閱月廣東廣西九閱月陝西福  
建七閱月山西湖廣六閱月江西浙江山東河  
南五閱月兩京直隸四閱月

丁未  
宣德二年春正月乙未工科給事中郭永清奏  
言南京國子監生坐堂年深久未取撥以致年  
老不堪任用

上命取年深者二百名送北監讀書遇歷事有闕相  
叅取撥二月甲申行在都察院右都御史王彰

奏言歷事監生犯笞杖多無鈔贖監候久之宜  
准工畢日着役從之夏六月詔九卿及翰林院  
堂上官六科給事中會同本監簡選兩京監生  
年五十五以上及疾病鄙猥者放爲民仍令錦  
衣衛指揮一員巡視之秋七月丁酉以翰林院  
侍講陳敬宗爲司業掌監事敬宗入謝

上曰侍講清華之職司業師表之任秩雖未崇其任

責甚重亦可謂儒者之榮矣

陳敬宗上丁紀事詩二首其一聖道

師萬代大日同巍巍仲丁屬明祀業脩謹先期  
晨興入廟門肅肅愼容儀豆饌及罇罍濯濯親  
蒞之既膳還復澆清泉重淋滴神享惟一誠就  
云在多儀承事貴有恪與恭益孜孜允懷風將

命惕惕安敢違所靈誥昭昭庶矣其敢茲其二  
鼓鐘方於論多士何蹈蹈流濯乞休假將事慎  
潔方六經賴垂訓佩服服安敢忘沐浴潤膏澤炳  
蔚永休光以茲懷薦誠恪恭備班行願瞻在天  
靈錫釐其無疆學士王直寄陳司業詩病起追  
尋不見君他鄉去住惜離羣愁聽燕北秋天雨  
張望江東日暮雲蘇子才高猶嗜酒楊公老至  
最能文何時學官吏相見竹几焚香共夕曛  
冬十月乙丑巡按監察御史何文淵奏言南京  
國子監生多有五十餘歲在監十五六年未得  
出身者由南京衙門取撥歷事數少故也若止  
監則在監之日少而取用歷事數多宜查勘兩  
京監生入監年月循次相兼取撥禮部請再取  
二百人入北監照前例行從之

戊申宣德三年春二月頒

御製國子監官箴

訓見謨

三月癸巳行在禮部奏言

先聖先師廟宇祭器歲久頽壞宜令有司支給官錢於農隙之時量撥夫匠修理依時祭祀以盡事神之道令巡按監察御史常加點視

制曰可夏四月甲寅勅諭兩京國子監

訓見謨

丙辰

沙汰吏典之鄙猥不能辦事者吏部移文本監  
閏四月甲申詔工部修理國子監并查理廩膳  
柴薪之不周備者秋七月丁卯司業陳敬宗奏  
言三事一曰定歷事之期以均勞佚在京各衙

門歷事監生近因事簡比舊減半其辦事監生  
惟是急務差遣不拘常數餘則斟酌事務繁簡  
以次量撥宜以半年更代庶使均得肄業二曰  
散爻積之書以賜諸生本監所貯宋樂年間散  
餘列女傳三千本年爻損壞請給授監生令其  
傳誦三曰定膳夫之額以供會饌本監膳夫原  
以應天府上元江寧二縣民充近因胡槩奏革  
法司以犯徒罪者充滿日更代類多逃亡況法  
司見問囚人皆納米贖罪滿者無人更代乞額  
設三百名如有事故令法司照名撥補皆從之

八月戊申監生于從政等言張亨等八人在監三年例當省祭先是太監尚義傳

旨取高必貴及亨等三十五人在於大報恩寺辦事拘留不得復班宜治其違例之罪亨等告辨有傳奉

上旨准歷事出身之言遂寢其事冬十月辛亥行在吏部移文取監生錢鑄等二百六人聽候選用是年令監生省親等事有違限者免送問克吏惟行文催促本監自究治之

配宣德四年春二月丁酉行在禮部奏言國子監



學規洪武中所定至爲詳備惟有差使不開資  
次限期今後在京各衙門開取書寫奏本算計  
數目者照舊送撥若辦事及差使出外者量其  
遠近存留年深聽取歷事其餘挨次撥用如事  
不纏糾則半年一換從之夏四月己卯博士王  
清給假省親違限一年之上吏部移文照例住  
俸五閱月庚辰監察御史張純奏言南京國子  
監生有及一二十年未得進用有負朝廷作養  
之意請令兩京監生歷事授官相叅取用庶免  
淹滯

上從之於是移文取年深監生鄭雖等四百人送行  
在吏部選用五月丙辰擢監生韓偉張玉爲行  
在監察御史戊午禁監生之詐言挈家畢姻及  
假立弟子姪姓名送喪還家者六月癸酉南京  
通政使掌國子監事陳璉親終服闋來朝命復  
南京通政使罷掌國子監璉字廷器廣州東莞  
人領洪武庚午鄉薦爲桂林府學教授秩滿陞  
國子監助教永樂初近臣言璉有治才擢知許  
州改滁州所至有聲政績第一當加殊擢滁人  
恐失之請闕乞留遂陞揚州知府掌滁州事在

滁又九年陞四川按察使嘗建言修武備慎刑罰明禮制等九事

上嘉納之改掌監事無幾何丁內艱去正統初調南京禮部右侍郎又五年致仕璉性行淳恪文詞典重所著作最多有琴軒集行于世卒年八十五初去滁時滁人祠之于醉翁亭與王禹偁歐陽脩稱三賢云秋七月甲辰故大理寺卿湯宗子沐乞恩入監讀書從之職官恩廕始此

庚戌宣德五年夏六月博士孫貞以子曰恭官受封

翰林院編修遂致仕去

大學士金幼孜詩孫君卿邦彥十載居橋門羣

才資樂育仰欽博士尊泥開篤義方有子才且  
賢伯也領司牧李也登詞垣聯翩耀文彩宛若  
鸞鳳騫三朝階際遇新沐雨露恩忽茲去榮  
養投簪賦歸田驪駒成明發祖饯相攀援遙遙  
指南浦江流浩茫茫桑梓故無恙松菊今尚存  
上堂接親賓入室撫兒孫開君樂有餘逍遙閑  
晨昏故鄉未同往中情何由秋九月甲寅行在  
宣因茲寫長句庶以道殷勤

吏部定舊例國子監官九載考滿者但復職增  
俸

上曰國子監官有例復職固是優待儒者但他官九  
年俱陞職學官獨不可陞乎令量加翰林史職  
仍理敎事又曰若敎官中有學術才識出衆者  
尤當不拘資格拔擢勿謂儒者不可用冬閏十

二月庚申令監生在內府收鈔者辦事三年

辛亥宣德六年夏四月丙申助教郭俊張山觀九載

考滿陞翰林院檢討仍管助教事秋七月戊辰

令本監堂上官凡遇考滿丁憂赴行在所者水

陸給與腳力如省親祭祖事例己巳衍聖公遣

司樂韓昱等來刷印書籍令典籍賓贊如其數

歸之八月丁酉司業陳敬宗考滿赴行在九月

復任大學士楊榮送陳司業許序宣德六年秋九月國子司業陳敬宗光世以考績來北

京之而以序屬予蓋光世初為翰林庶吉士以文

行知名縉紳間求樂中修高廟實錄慎擇賢者而任之光世與焉未幾凡庶吉士皆授訓

部主事光世復徵入史館書成改翰林侍講及修太宗仁宗實錄光世復與其間會

國子監闕司業而難其選遂以光世往焉或謂光世誠賢於人然既侍講又矣其名實忝然有

聞於上下今去爲司業無乃左乎光世聞之默然曰司業天下學者之所取法也誠宜德望優

重者爲之顧乃命敬宗將夙夜勉焉以圖而尤恐弗及而何左之敢云旣蒞職日進諸生講聖

人之道而正己以率之諸生大化服而光世之譽益大顯予嘗謂國家建學於天下以造士

皆使學聖人之道也然其師之所見與弟子之所稟下能皆粹也故其成就有不能盡然者及

升之太學譬之集衆材於班郢之門而大加繩削焉使小大長短皆中法度然後以之構厦無

不適其宜者苟規矩準繩有未至而欲羣材皆適於用而不爽焉難矣祭酒司業之任蓋何如

其重也光世旣優於是矣今歸而復加意焉國家待賢之多致治之盛人將於太學乎頌也

予與光世處三十年矣誼不容辭故爲序如此

壬子宣德七年春二月丁酉令南京監生有爲歲貢復舊及違限等事惟令望闕謝

恩免赴行在甲辰行在國子監祭酒貝泰奏言願於南京關支俸米分回原籍供祭養親從之典籍帥憲援以爲例戶部移文本監住支丙午初令兵部給翰林院檢討管助教事郭俊等阜隸各二人秋九月丙寅故太常寺丞孔克準子希經乞恩入監讀書從之

癸丑宣德八年春正月令天下生員年四十五以上者考選送監秋八月乙未助教王仙會先以九

載考滿陞從七品俸至是又復九載考滿陞翰林院檢討仍管助教事冬十二月庚申掌饌劉義剋落椒鹽等物歲終會計事露司業陳敬宗執義送刑部問擬監守自盜律斬義令其妻謝氏在外呼號必欲仇害敬宗於是敬宗奏聞上命梏義併謝氏遞發廣西極邊衛所編伍

甲寅

宣德九年春三月癸巳河南道送發犯人劉義

兵部編發後都察院奉

上命禁約本監今後敢有不守法度倣倣侵盜者窮治處死禮部行典簿廳出榜諭之冬十月丁卯



陞司業陳敬宗爲本監祭酒十一月辛丑令清理文職貼黃監生入監十年之上者歷事照例考覈癸卯令生員入監違限移文催促如再違限仍發克吏

乙卯宣德十年春正月乙亥

睿皇帝卽位二月丁巳行在禮部奉

勅諭有曰朕欽承大業方將安養軍民凡事皆從簡省於是會議兩京監生除收鈔及清理軍伍貼黃者皆不動其餘放還原學停支廩膳依親讀書有公差者待其復監亦皆歸俱令在家

聽候取用從之三月丙戌令副榜舉人未及二  
十五歲不願就教職者許依親及入監讀書用  
訓導劉池蘊言也夏四月戊午罷遣監生唐榮  
等七百一十六人庚申故光祿寺卿張泌子方  
進香至行在奏請入監讀書從之壬戌慈利縣  
學教諭蔣明疏言有功於道學者皆得從祀若  
元儒吳澄未見舉行行在禮部尚書胡濙以聞  
上命濙會同少傅兵部尚書兼華蓋殿大學士楊士  
奇等議得元翰林學士吳澄務聖賢之學致踐  
履之實以道自任其所自勵者有勤謹敬和消

人欲長天理克己悔過矯輕警惰顏冉理一等  
銘其教學者有學基學統等篇深究濂洛關閩  
之旨考正孝經校定易詩書春秋修正儀禮小  
戴記大戴記校定邵雍張載之書有易書春秋  
禮記纂言及易纂言外翼皆所以啓大道之堂  
奧開來學之聰明傳之百世而無弊者也與今  
已從祀許衡同功聖門衡已從祀而澄未及不  
可謂公宜如衡例從祀孔子廟庭允愜斯文之  
公議矣議旣上聞

上曰朝廷崇儒重道正在表章先賢以作興後學禮

部行國子監及府州縣學一體從祀永爲定制  
秋七月壬辰令清理軍職貼黃監生歷事照例  
考覈與清理文職貼黃同八月甲子通政使司  
致仕叅議李文郁奏乞廕其子章入監讀書從  
之戊辰行在國子監祭酒貝泰奏言近年簡選  
監生雖有留者然候撥年遠及至銓除則又齒  
已衰矣與其待老而放閒孰若簡賢而授職詢  
知在外儒學多闕教官宜於南北二監選取堪  
任監生以克其職

上從之於是選舉通經監生四百人送詣行在冬十

一月丁酉北監會官簡選監生沙汰二百三十  
六人其選中者韓俊願入南監行在禮部以聞  
從之是年奏准監生課業倣書按季送翰林院  
考較歲終奏繳文冊之數